

沈乃文 主編

明別集叢刊 第五輯

第八十二冊

黃山書社





國家出版基金項目
NATIONAL PUBLICATION FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第八十二冊

黃山書社



(明)王巖撰

白田文集二十卷

抄本

序

明末士君子爭以文章氣節相尚其持論侃侃
權貴一時危言卓識不在朝而在野發為制義古文
辭深純爾雅稟法先正一切衰僻之說無繇離亂制
義古文辭而外究心一代掌故利害興革各有成說
可見之行彬彬耶郁有東京俊及之風焉於時四方
諸君子各結社以相切劘砥礪東鄉吳閭雲間宛上
壇坫相望而社之最著聲者莫過復社幾社杜稿盛
行於世才俊之士贈災社稿者視春秋聞義不啻過
之而吾鄉直社繼起雖稍後於二社而聲名與之角
白田文集 序



立才俊之士贈災直社稿者幾與二社稿等誠廣陵
盛事一時巨觀也未幾值甲乙之變諸君子多避地
僻壤無復尊酒論文雅會或謝去制義而攻古文辭
嗚呼是諸君子予猶及見其盛又覩其衰又覩其喪
亡而余亦老矣諸君子各有集而王渠夫雷伯顯兩
先生文尤為世所誦法兩先生文規模森嚴指辭簡
雅斟酌漢唐宋諸家出之得其神解使覽者不能目
之為漢唐宋諸家而能卓然自成一家言者也予生
稍晚不及從直社諸君子遊而獲交於兩先生而與
王先生往來尤數先生屢以集序相委予逡巡不敢

任殆將歿矣猶諄諄言之予不敢固辭以負老友之
託序甫脫稿而雷先生子希樂賞全稿渡江乞予弁
首予謂兩先生文學同氣節同海內聲譽同今序王
先生文猶之序雷先生文也唐唐小言又莫俟再辱
為哉自兩先生歿後死諸君日憂遺稿散失今悉付
剞劂告厥成功兩先生靈爽有知定稱快九京而予
輩喜兩先生有肯堂肯構之子深為兩先生賀也至
兩先生內行甚修誌傳中已特書屢書不敢復贅茲
述其締交結社始末誌傳不及詳者殿以為異時傳
文學逸者有徵焉

白田文集

序

二

同學小弟宗元豫拜撰

傳

處士姓王氏名天佑字平格寶應縣學廩生也國變後更名巖字築夫學者或稱為築夫先生云先世由長安徙家揚州一傳而生司理公思賢為先生大父父言紱與世父言綸俱高才宿學迄不售言綸以歲貢為訓導數年歸老言紱則以諸生不得志早抑鬱以終先生天性孝友博學工文章聲藉藉膠庠間執經問業者日眾自食餼以暨修脯所入無私蓄悉以奉尊人出入無問婦豐於奩亦能體先生意弗少惜惟願獲二人歡心二人歿後先生每家祭必誠必敬

白田文集

寄

一

凡齋戒沐浴主人主婦駿奔分獻一如古軌近所未嘗觀也北都之變先生年方強仕楊太君明於大義願與偕隱先生既不應制舉專肆力古文辭非先秦兩漢之書不讀非韓柳以上之文晉魏初盛之詩不為其學也如是其誨人也亦如是從游著名者指不勝屈四方賢豪愈益重先生品行名公巨卿舟車過邦上多式廬上金幣為壽仕於茲土知先生者擁篲延訪惟恐不一見素封之家商賈之族靡不以得先生片言為光寵所贈遺極厚輒分給諸戚屬交游中窮乏者無佞而弟皆不善治生數瀕于困仗先生以

勉有告急值先生囊亦罄時必竭力轉圜以濟之無殊火厥港一妹夫以官累殊舉家待先生舉大家婦之兄

逃難走京師以寡母及妻孥寄托先生慨然任之為拮据供膳數年如一日念天下將亂維揚震必爭之地眾競出城時先生不出眾不出城時先生挈家出卒免於難兩避地於安宜昭陽者久之所至為國人矜式晚年乃還廣陵至七十有七而卒卒之日家無長物門人翟氏孫氏方氏為之棺斂成禮可慨也天先生生平言笑不苟豐頤盛鬢行規步矩儼然望而畏敬之及其即之絕無峻言厲色加于人所著述貫

白田文集

傳

二

穿經史多不刊之論正而不纖質而不靡不屑蹈襲前人一語其時衡治畧酌古準今經濟裕如期有裨實用匪徒托諸空言無補也白田文集三十餘卷藏于家先生既葬其子寬以傳請誼不可解述先生節槩著其實耳若溢若諛夫何敢

李淦曰文務浮華波流莫砥而先生特以樸老古奧貴維揚二子夙稱雷王文固不同守貞樂道則難以優劣論先君奉督學八閩之命以白金十二鎰聘先生偕往過拔士類而先生以母老不遠遊辭亦可以知其孝思之敦篤矣終其身敝屋以居筆耕以食而

恒以骨肉良友之急為己急若其尚志高操遐世無
聞曾未有憤懣無聊之態其所養尤不可及方之古
人其殆郭有道王彥方之倫與

昭陽同學弟李淦拜謨

白田文集

傳

白田文集目錄

卷之一

書

寄黎美周書

復葉明府書

寄張公選吏部書

答周盛際書一

答周盛際書二

答周盛際書三

與宗子發書

答宗子發書

答李平子書

答汪戶部書

與孫無言書

答余生生書

寄雷伯顥書

答張天民書

白田文集 目錄

一

答雷伯顥書

答費此度論喪禮書

答問承重書

與許力臣師六書

再答福建提學李公書

與雷伯顥論殤服書

答饒伯眉書一

答饒伯眉書二

與張韞仲書

寄嚴修人書

卷之二

書

候葉明府書

答楊鐵星議婚禮書

與雷伯顯求先妣傳穆兒墓表書

與董文友書

答魏和公書

寄魏善伯水叔和公書

答李梅隱書

與蘇與蒼書

與朱秋崖書一

與朱秋崖書

與周盛際書

答周子論歸太僕文書

再答周子論歸太僕文書

答李平子書

答何雍南書

答饒白眉論禪服書

答劉子書一

白田文集

目錄

二

答劉子書二

答李璞先書

卷之三

文序

春秋不傳序

贈張明府序

史論序

兩漢文刪序

獵微閣文集序

桐城縣志序

周氏宗儀考序

翟氏新修家乘序

張氏重修家譜序

來鴻集序

王西樵書枋嚴經咒序

人子寡過篇序

刻太上感應篇序

刻太上感應篇集註序

陸子文集序

空青集序

晴江閣全集序

孫介夫文鈔序

卷之四

詩序

鸞嘯堂詩集序

晚好齋詩存序

蜀岡禪智寺唱和詩序

李璞先詩序

增益軒詩稿序

田督學詩集序

悔齋詩集序

先大父高州詩序

白田文集

目錄

三

華嶽遊詩序

歸途離感序

十笏草堂辛甲詩序

十笏草堂丙集序

四詩集序

敬亭遊草序

鄭有常詩序

竹院詩集序

詩餘序

穆兒詩序

卷之五

贈送序引

送汪子遊匡廬序

送王阮亭北上序

送王子序

贈臬司金公序

送汪舟次贛榆教士序

送孫子歸黃山序

送宗子發歸興化序
贈前詹事汪長初序
贈涂子序
贈孫子序
送汪舟次出使封王序
贈張縣丞任大名序
蔘粒梓檀帝君像引
近鶴菴蔘重修佛像引
卷之六
送談青令序
贈李若海若金序
贈汪公序
贈督學田公序
贈程生入學序代
徐確庵著書目引
蔘賑粥疏引

壽序

白田文集

目錄

四

金太淑人九十序
黃永清七十序
郭孺人六十序
胡孺人六十序
金孺人六十序
孫思睿五十序
王孺人壽序
外舅劉公暨王孺人六十雙壽序
金太淑人九十序代
孫思譽五十序
吳君六十序
胡孺人八十序
胡孺人七十序
汪夫人六十序

底本缺目錄第五頁。

茅焦論
曹操論
卷之十
費禕論
荀彧論

論

晉武帝
王導論
王猛論二
謝安論二
卷之十一
杜預論
王猛論
謝安論
魏徵論

傳

白田文集

目錄

六

參政鄭公暨姪御史公雙忠傳
贈太保余肅敏公家傳
贈太僕寺少卿郝公傳
中書龔公傳
戶部楊公傳
卷之十二
巡撫朱公傳
副使蘭公傳
參將何公傳
文適韓君傳

傳

清之劉公傳
汪公傳
孫氏婦女節烈十人傳
玄成夏公傳
左烈婦傳
王烈婦傳

鄭節婦傳

曾孺人傳

卷之十三

陳烈婦傳
洪孺人傳

記

劉氏祠堂記

前戶部許公卓政記有序

前唐事汪公登官記有序

瑞芝園卷記

望顯亭記

程搏九樂善社記代

喬子別號記

于子生廣記

白田文集

目錄

七

卷之十四

行狀

前河南道御史喬公行狀

王君懷先生行狀

許繼先行狀

先考行狀

孫孺人行狀

先妣楊孺人行狀

史孺人行狀

亡妻行狀

先大父事畧

卷之十五

碑誌銘墓表

連池庵碑

都憲郝公德政碑

奉政大夫屯田清吏司郎中高公暨元配屠宜

人晉封太宜人墓碑

孫公祐吉墓誌銘

程在眉墓誌銘

雷處士伯顯墓誌銘

劉汝純墓誌銘

方孝子墓誌銘

孫思永墓誌銘

選貢士劉公墓誌銘

吳孺人墓誌銘

候選府通判杜君墓誌銘

熊孺人墓誌銘

彭孺人墓誌銘

孫生元配吳氏墓誌銘

方君贊五墓誌銘

汪孺人墓誌銘

穆兒權厝誌

白田文集

目錄

八

雷公暨元配呂孺人權厝誌

王烈女墓表

卷之十六

私議

辛巳私議一

辛巳私議二

辛巳私議三

辛巳私議四

辛巳私議五

辛巳私議六

辛巳私議七

辛巳私議八

辛巳私議九

辛巳私議十

卷之十七

私議

壬午私議一

壬午私議二

壬午私議三

壬午私議四

壬午私議五

壬午私議六

壬午私議七

壬午私議八

壬午私議九

壬午私議十

壬午私議十一

壬午私議十二

壬午私議十三

為先妣立主議

卷之十八

題跋贊

白田文集

目錄

九

跋與立僧書經紀事

跋三嚴公崇祀卷後

跋汪舟次送魏永叔寓懷人詩以上二篇逸

題友鹵居清玩圖

書計甫草思子亭圖卷後

跋漸江畫卷逸

續課圖贊

孫祐吉畫像贊

白衣大士畫像贊

隱士言貧說逸

李嗣宗畫像贊

喬雲漸畫像贊

李若海畫像贊有底

李孝子種竹園像贊有引

閻公畫像贊

歷世大臺贊

馬君畫像贊

卷之十九

祭文誄

祭周君文

祭程在湄文

祭鄭廷直文

祭李平子文

祭姪文代

告先妣文

祭穆兒文

祭鄭晦中文代

祭方君文

祭汪孺人文

王孺人誄此篇逸

卷之二十

白田文集

目錄

十

尺牘

與周盛際

與雷伯顯

與孫無言一

與孫無言二

與張公公選一

答張天民一逸

答張天民二

寄魏永叔逸

答黃子逸

與張公公選二

答徐原一翰林

寄李籍史

白田文集卷之一

寶應王 嚴某

書

寄黎美周書



昔者台從過邦水會不孝病甚未得再相過從比見士介兩示來札皆以先祖名宦事為言讀之感激而不孝以先君見背荒荒骨立不能奪哀裁報今尚未及葬禮不當作書而惠徵先祖祀事不能不奉一言先大父之理高州也廉仁為政以宦益貧治跡歷歷可睹在任五載人皆見德三攝州縣既去歌思畫像白田文集 卷一

立碑郡邑四徧崇祀名宦比於畏壘桐鄉庶可無愧而當時以不媚權要失御史蓋督學陳薦求賂不與為其中傷已擢福建道御史誣以見任自立碑遂左遷故祀典無敢舉行其後公議益伸法當舉祀而子孫賤貧無力請諸當事且相去數千里又無相知有氣力者主持而筮仕方始未嘗歷宦遂早即世門生故吏之可呼順風者亦不可得也又家伯父先君及不孝兄弟皆迂拙自好不獵名譽言行寡合落落無以動人故無可託當時有人推崇舊德列于俎豆豈不難哉雖公道在人久乃愈明而泛論人多任事

人少即懷想感慕等於賈父杜母亦托之空言而已若數十年缺遺之典苟非其人誰能舉之所謂其人誰與必持天下之義而無所私者乃定當之蓋持天下之義則見義必趨是非愛惡發於誠然不遂其志不止害休利誘不為挽奪況功德在人久而益新者乎而或有所感私愛憎之口徇子孫之託事舉而人不悅服則大事不究矣蓋近日名宦鄉賢有力者為之而輿論不足多此類也昔者先生相見言及先祖遂蒙垂問已祀名宦否乎慨然身任懇懇懇言未嘗忘不待子孫託以周旋不令旬旬數千里而又非白田文集 卷一

相知之素先世故舊之交與後人盛名所傾動此或先祖好修之報理不終泯而非先生篤好先哲維持公道何以得此所謂持天下之義而無所私者也承問蒞任年月已具事略中若先大父治行卓卓高州故吏必有能道者夫先生持天下之義而無所私則不孝亦惟義是視以報高義而已茲以匆遽輟哀報謝伏惟亮察不宣

復葉明府書

廢棄老民丘國枯槁如朽櫟非良材驚寔匪良駒自知才拙性迂不通世故引疾守閒甘老窮困亦未敢附盛世逸民以高尚盜虛聲也執事過采人言不以為不肖貢然枉存如朽櫟而題為良材驚寔而品為良駒此匠石伯樂之誤也雖然在散材下駒亦不可不謂幸矣承諭欲令近縣開設講堂與多士切劘高義盛心巖與諸生俱蒙陶淑立挽撓俗盡化醇風古人知己重於感恩則惟命是聽不待再計矣不事生而命薄無古人之高而動得古人之困故甘貧任

白田文集

卷一

三

命未嘗一見貴人一到郡縣靖節之窮巷寡輪鞅襤褸茅簷下具自知命薄審矣巖之命薄殆過之前謁見後三日即大病河魚不可客死居停所不得已送骨昭陽卧榻一月幸小愈又念前承面命欲於八月初使人入郡來召雖病不能行不敢不入郡拜書又生徒試事久曠課業秋分時祭兩子扶掖行禮畢次日即力疾入郡而氣息僅屬授徒亦僅卧理自念命薄一生無所遭際今本邑父母如此存注苟効心力定知有所以活妻子者而又如此病則信乎命之窮也聞命展轉不得已拜辭於從者萬望鑒其老疾暫

收成命或稍有起色馳赴公庭拜謁一申鄙民之禮或再商聽命於下執事如是則凡材遇匠石亦斧斲以成器下乘逢伯樂亦剪拂以馳驅所以國報知己者惟力是視台貺下臨無以克承平生非力不食嚴守伐檀稼穡狩獵之義今以尊者之賜不可以蹈不恭對使拜嘉以謝不宣

白田文集

卷一

四

答張公選書

昨奉教言深領弘益別後寒疾大作卧榻飲藥大札至伏枕讀之悚心汗背愧無足當巖不肖才拙性迂終身坎坷自審賦命至薄甘老死貧賤本非有鴻冥遠世之志如豪士純盜虛聲也又窮困授經身居塵市並無山深林密之可棲託視古人之高隱可鑿坏踰垣者遠愧不如矣一生蹤跡不過一章句學究守二三童子餬口終老耳廢棄餘生閒無所事聊借筆墨自娛亦不足自附於當代著作之林先生比擬不倫無乃或過乎葉公之高義非常感德千古天下後

世間風莫不興起而巖之情勢不得趨名誠如台札云巖所言真實不欺許作書婉致令公知己之感不謬矣惟祈即致書去速已是舉庶不開方命之罪巖所縷陳最難離者祖父兆域之所老病朝露之迫館主人三世之交生徒學業已成棄之可惜之故皆不能去而家口親戚眾多之累又不足以煩令公也至於諸生之感化不肖何人懼不堪任使而鄉里親黨故舊不能保無一訟望之深責之極則怨之叢難非預見其必然而迂腐之遠慮謂非敝邑獨然天下人情事勢無在不然雖然十室之邑必有忠信故邑舊

白田文集

卷一

五

稱人朴易治以淮河水患七八年人殺死不贍遂有為非者巖計令公之德化其曲成範圍之妙良惜美惡悉在包蒙納歸之中竊意此時似宜治以寬靜昔人告君有以求治太速為戒者敝邑之事有類乎否也令公之政如以寬緩而無欲速寶邑之人在漢唐盛世之際矣不肖迂腐老儒不通時務以令公知遇殊常思效涓埃而不得輒欲抒其愚見乞先生裁酌可否而言之不肖與邑人皆被先生之德無涯矣力疾率謝奉聞小愈即過候不宣

答周盛際書一

睽教匪一歲月每懷耿耿伯籲昔為僕言足下道邦遠去託道意於僕知足下好我不以相見疎數間也僕亦謂今天下名冒高隱而品行卑鄙穢濁無所不至乃不如競走榮利者多矣其胸懷所存絕不知古聖賢立身立言之道况講求著作垂教千百世乎足下方嚴高峭有古節義之氣僕愛之重之謂可相與講明聖人之道也伯籲云亡實人文之至痛札至感慟良友若在初舍所諭遺文一事具見足下立意堅確可謂篤信守死者矣此乃所以自處不獨為同志

白田文集

卷一

六

也君子立身立言務一準於聖人之道道者中而已矣夫中無常位因時而有物之感我者外至出而應之應之而無不咸宜則為時中此經與權參伍而得之蓋天下事勢多端聖人之道處之裕如知進退存亡而不失其正孔子所以為聖之時也無已則有一焉介之推曰身隱焉用文之文之是求顯也南容三復抑之五章夫子取其免於刑戮然則惟銷聲絕響無一言隻字之流遺於人間則可耳嗚呼豈不難哉足下云云此足下未知伯籲近日之為人合於時宜也近頗與時周旋自謂非嚴光周黨而尤歎念僕

之苦節見於文者多云余每見蔡夫苦節心嘉尚之則伯顓近日亦殆將有近於員通者其文字多僕商定而全稿未盡修改屬續語不了嗣子請屬僕其意欲託後死者也故代之詳審乃生平面商者也知伯顓有靈必大慰於地下矣夫交伯顓久莫如僕知伯顓為人之深莫如僕其生平志業蘊蓄上下古今揣摩經濟達欲見之施行窮欲留之著述者商論講習風雨晦明晨夕無間莫如僕度足下知之未必過僕也足下論文云荆川後惟伯顓一人足下所見惟伯顓宜有是言昔王于一所見惟僕則曰惟蔡夫一人

白田文集

卷一

七

要之兩君子一人獨得之見未即為千百世定論也今天下言王雷者或各分遷固之等或並置韓柳之席而伯顓為人頗喜自矜高僕則惟好推避竊慕韓柳之相謙讓故逢人說項于一以僕之言後亦深服之然此言文章爾非論立身立言節目之大者姑不暇深論也雖然足下高蹈堅守節義氣巍然今世殆不多得僕欲交勉于聖人之道者舍足下而誰相見未期臨風泗溯

答周盛際書二

歟辛一晤胸中欲吐百未一悉悵歎悵歎接手札荒文過蒙推許其論伯顓似子固而僕之文不名一家此古人所至難也古人以不名一家者為大家僕則安能不敢當不敢當雖然吾兄舉拙作之同於古人者細分而論之某篇似韓某篇似歐曾某篇經術從韓得來亦何論之深也吾兄得古人之深自知僕文之深即其知僕文之深益見其得於古人之深也叙事之文自古難之馬班而下僅見韓歐介甫雖能然

白田文集

卷一

八

能與于斯矣兄云韓歐頗得馬班之意而未盡故史家祖祀馬班不欲僕僅為韓歐誠哉是言謹拜良誨明三百年史書未立馬班遺音久已斷絕使三百年聖君良相名臣賢將士大夫道德勲庸節烈文章及姦諛亂賊之事晦昧不章此千古大恨也故不揣陋劣輒欲搜采纂述勒為一書而通紀從信等書既不

博之文列卿紀僅載事跡非能文章吾兄腐爛朝報之說不誣也雷尚書又有大政紀求之未得僅得之亦可參考互證以審訛謬也又江右鄧元錫有明書亦不知其何如求之未得僕老矣恐此志終不獲遂近欲且就喪亂以來耳目所及紀次一編備將來史氏之采錄然近之為此者亦多矣承訛襲舛加以愛憎附會之私烏足取信不知此事非聖賢之心豪傑之才兼有之不可也昔見吾兄所著頗較備故求假一觀肯即檢發亦大公之道也荒文王導謝安等論承諭古人未必肯肯極感極感仍乞舉所以不當處

白田文集

卷一

九

一一詳論見教此事海內講求者少吾黨切磋須可傳耳承索諸篇今荒集二十四五卷修訂尚未成編茲別本叙事一冊呈教不宣

答周盛際書三

去冬晤教忽又春殘難聚易散悵歎耿耿古文一道自古作者難之今日作古文者忽徧天下然僕視之其自謂大得意人謂大好者非耶蹊外道則時文而已足下高視遠識下上古今進退謹嚴如鹿門之於八大家千百年無敢異議但以僕列于三百年八大家則先生之過取恐不稱此選傳之後世有累高明何敢當也承云所定八家宋文憲王文成王道思唐文襄歸熙甫雷伯鰲皆可無疑八家之內僕既不敢當惟羅文肅僕所不滿讀古文先視其命意立言而

白田文集

卷一

十

後論工拙必有獨創之意自古未經人發今世無人及知又未出天下後世不知有此說既出天下後世不可無此說行事出諸奉為典則而文采出入經史為萬世師表前古人後來者皆不得分有其功如是則建諸天地不悖俟諸後聖不惑故立言與立德立功並三不朽圭峰之文索其命意之高立言之古無之蓋其才短而窘於思學寡而拙於法欲垂世立教不能崢嶸詩歌真少陵小宗雖或摹擬有跡是其小疵然實三百年詩家作者其古文則終以艾千子之言為然僕不能違心附和也昔武進孫公有四大家